

【蛻變】徐佳好原作

記得俵仔讀小學個時節，放學轉到屋下興嘍嘍仔¹摺俵分享，上自然課先生紹介蝶仔，佢感覺著當心色，問俵：「阿姆，做得畜弄毛蟲無？」俵淨聽過有人畜細魚仔、蠶仔、雞油蛄，敢有人畜弄毛蟲？

該時，俵在學校做志工，摺圖書室個細阿姊打嘴鼓，佢講：「淨愛種一頭柚仔樹，抑係柑仔樹，就會有蝶仔飛來生卵。你過準備一隻罐仔，裡肚放一支細樹極，恁樣就做得哩啲。」俵一聽著，心肚當疑狐：自家又無戴在莊下，種一頭柚仔樹就會錫蝶仔來，哪有可能？毋過，「狗呷烏蠅，賭造化」²罔試脛啊。

講來奇怪咧！有一日，正經有一隻蝶仔，在俵兜種個柚仔樹脣飛來飛去，飛上飛下。俵心肝想：佢在該做麼个呢？俵目金金緊脛，佢一頭緊撲翼，一頭又對屎肫尾屙出細細粒、黃橙橙个卵在葉仔面。俵細心細意，摘下這皮葉仔帶轉屋下放到罐仔裡背。

幾日過後，幼蟲對卵肚鑽出來，一出世，黏時食忒卵殼。弄毛蟲當揀食³，淨食合意个葉仔，像一個當肚枵个細孬仔，葉仔分

佢食到淨——淨——淨——，淨伸葉脈，俵仔都赴毋掣摘葉仔分佢食！佢兜緊食臉身緊大箍，佢个白烏色个衫褲忒狹，高不將脫下舊衫換青衫。

有時節，蠻皮个俵仔係「頭那插禾串」捺刁佢，佢會跔等臥起圓圓大大个頭那，摺伸出紅紅个角，放出像榴槿臭胖胖个味緒，想愛嚇走欺負佢个人；毋過，若係正經堵著烏仔、油籬蜂，佢兜斯插都毋插。有一擺，俵識脛著，自家畜个弄毛蟲毋知分對哪來个蜂仔食忒，衰過个弄毛蟲，瀉都毋掣！一無注意，嘎發生恁樣悲慘个狀況，實在得人驚！

弄毛蟲逐日都盡命牯緊食葉仔，食到臉身肥卒卒⁴毋知飽。有一日暗晡，脛佢迂迂腦轉⁵，葉仔毋食，淨在罐仔肚趁來趁去，毋知在該無閒麼个。佢屙了一埕青青个瀉粑，俵仔問：「佢係發病吓？抑係屙痢肚？」忽然間，佢趁在該樹極頂，呷絲摺自家懸起來，摺自家鈎等⁶，因在蠶包肚，像睡忒咧！

過一禮拜零，蠶包變色，像變奇術樣，弄毛蟲對蠶包肚鑽出來哩啲！毋過，溼溼、皺腔郎當⁷个翼還言燥，佢定定仔、柔柔仔，當有耐心个等待，正經係老古人言講：「甘蔗食了一目正一目」，毋好「打卵就愛見黃」。脛著這靚膩膩个花仙子，親像係摺俵兜講等人生當多道理啊。

¹ 興嘍嘍仔：音 him` du du er`；興沖沖的。

² 狗呷烏蠅，賭造化：音 gieu` gab vu` rhin, du` co` fa`；狗突然張口去咬飛過的蒼蠅，能否咬到就看運氣。

³ 揀食：音 gien` shed；挑剔食物。

⁴ 肥卒卒：音 pui zud` zud`；胖胖的。

⁵ 迂迂腦轉：音 din din no` zhan`；繁忙、躁動不安。

⁶ 鈎等：音 giu` den`；蜷縮著。

⁷ 皺腔郎當：音 ziu` zhi` long dong`；皺摺多。

【阿咪¹】李夢花原作

佢屋下從來就毋識畜狗、畜貓仔，一來係阿姆歸日做事無閒直掣，又愛無閒煮三餐；二來係佢當愛淨俐，畜狗摻貓仔驚怕會遭跳蚤。一直到老弟間房个天蓬頂，逐暗晡一群老鼠在該走來走去，並並磅磅²吵到佢睡毋得，正高不將摻上屋鄰舍捉一條細貓子，畜來打老鼠。

鄰舍个貓嫲這胎正降兩條，一條就係佢屋下這條，灰色間³白色摻豬肝色花啦花啦⁴，睺起來當精靈、當得人惜，佢兜喊佢「阿咪」。另外該條柑仔色間白色，乜異靚，分雜貨店个叔姆捉去畜。阿爸講新捉來个貓仔，定著愛綯到有四支桌腳个下背幾日仔，恁樣正會認屋，阿爸就摻佢綯到桌腳下。正經有影哦！幾日過放佢，阿咪就乖乖乖，毋會亂採走。

因為毋識畜過貓仔，阿姆乜毋知愛分佢食麼个？人講：貓愛食臊。阿姆就用四破魚攪飯飼。一站仔過後，阿爸講：「毋好分

佢食忒好、食忒飽，慣勢咧就毋會去打老鼠。」聽雜貨店个叔姆講佢屋下該條，就係食到肥固固，日日食飽睡、睡飽食，連老鼠在脣頭過，佢斯目珠擘開睺一下，又做佢睡。該幾日逐晨早，阿爸就去豬砧買一坵豬肝分阿咪食。第一擺豬肝買轉來，阿姆想愛提來煮熟，阿爸煞煞講：「分貓仔食生豬肝，係愛佢慣食生个味，正會去打老鼠，該下二擺佢打著个老鼠，你愛煮熟正分佢食係無？」阿爸講个異有理，佢兜聽了哈哈大笑。

阿咪日時頭走到倉庫睡，暗晡頭就係佢行動个時間，在暗摸脣疏个暗晡頭，睺著佢个目珠仁，像兩粒青色个寶石樣當金當靚，灶下个蜞螯趨來趨去，佢一爪搭一隻，非常流掠。就毋知佢曉打老鼠無？毋過，自阿咪來了以後，老弟間房个天蓬，就無老鼠在該跳舞咧。

毋多知仔，阿咪畜有十四年咧，照佢人个年紀算，佢有七十零歲咧。該日阿咪懶甥甥仔無精神，食个東西又嘔出來，好得睺獸醫注射過，幾日仔就好咧。阿姆笑笑仔對阿咪講：「你摻佢共樣，老咧！」阿咪當像聽得識樣，第二日打條細老鼠挑挑放在灶下，像係愛摻阿姆講：「莫笑佢老刀嫲無鋼——奈毋何，佢還異慶哪！」動物除了毋會講話，佢兜摻人共樣，係有感情、有靈性个，還有該種毋認老个打拚精神啊！

¹ 阿咪：音 a^ˇ mi；專有名詞。貓的名字。

² 呼呼磅磅：音 bin bin bong bong；狀聲詞。形容老鼠在天花板跑動的聲響。

³ 間：音 gam^ˋ；混合摻雜。

⁴ 花啦花啦：音 fa^ˇ la^ˇ fa^ˇ la^ˇ；形容顏色混雜花花的樣子。

【大箍牯減肥記】曾菁怡原作

「哇！歸桌恁多好料！汽水、餅、披薩、雞卵糕、枝冰，還有佢最好食个焗菜、雞髀。」佢睺到無瞞目，口涎水強強會滴下來，該兜好料像摻佢攞手講：「遽遽來食，遽遽來食啲！」佢煞煞抓一支香噴噴个雞髀，該亮亮油油个皮焙到喇喇，肉汁水汀汀汀汀，實在還錫人那！就在佢嘴擘到大大，準備咬啊下去該下，嘎聽著：「大箍牯，還毋貽起？讀書會赴毋掣咧！」全部个好料一下嘎毋見忒，原來，係發夢啊！有一息毋願，該雞髀無咬著，實在還打爽噢！

聽佢姆講，佢從細就異好嘴斗，生到肥壘壘仔，幼皮白肉，當得人惜。公太就最愛捏佢个面頰卵，講佢像正打好个粿粿分人想愛咬一口。原本佢無感覺肥固固个身材有麼个毋好，但係該擺見笑个經驗分佢堅心愛減肥咧。

該日學校辦校慶活動，佢个班級表演「三條豬子」个話劇，佢係擔任豬大哥个角色。就在節目進行到豬大哥摻豬二哥為著閃避大野狼，愛走去豬老弟个屋園該下，為著有緊張个氣氛，佢盡命牯颯過去愛鑽入豬老弟个屋裡肚。麼人知，一下忒大力，豬老

弟个屋嘎分佢撞橫落去，佢還仆在屋面頂，屎肫翹到半天高，緹緹个褲弓到暴線縫……該時，鬧熱煎煎个禮堂忽然間變到一片恬靜，佢聽著自家砰砰个心跳聲，還有額頭流下來个汗水，每一滴佢就感覺得著……實在還見笑噢！愛仰結煞正好？落尾，有聲音摻佢解圍咧，佢遽遽企起來行到舞臺脣換褲；該聲音，毋係佢期待个拍手聲，係對佢緊顫、目汁雙流个笑聲。

校慶結束該日，桌頂个乳茶、雞排全部分佢擲到垃圾桶，佢第一擺落恁堅定个決心，絕對愛減肥成功。佢去網路尋減肥个方法，大體係減量、減油、減糖，還愛配合適當个運動，所以該兜油膩膩个焗菜、甜滋滋个汽水、糖仔全部分佢拒絕，逐餐飯菜都食較清、較齋兜，食到七分飽就好。佢還逐日運動三十分鐘，行路、爽球仔、跳索仔……逐日做無共樣个變化。

一隻月過後，佢姆帶等佢去買新衫褲，每一領都比原旦个尺寸細兩碼，阿姆講：「從今以後做毋得過喊你『大箍牯』咧！」

「係啊！你愛喊佢『緣投哥』咧！」

大箍牯減肥，成功！

【擲牙齒】張旭英原作

堵好係換牙齒个七八歲，舊个牙齒言殿忒¹，新牙既經暴出來，就係人講个生豬哥牙啦，又恁堵好係頭前个大門牙，係講無先膠舊牙擲忒，一方面驚會影響新牙个生長，再方面細阿妹个門面就會媿²到脛毋得。

就恁樣，第二日係爸渡係坐巴士去街路牙科擲牙齒，還當記得愛去街路个前一暗晡，係姆遽遽用裁縫車踏踏仔，兩下半就做好一身洋裝，愛分係著去街路擲牙齒。毋知係毋係著新衫心頭歡喜，對黏時愛擲牙齒个緊張，試著較毋會發痴驚³，去到先生該位，護理師先膠係打麻藥，先生一熾火⁴擲忒四支舊牙，護理師喊講棉花愛出力咬等，麻藥言過，所以也無感覺著有幾疾。坐有一下仔，護理師講做得轉哩！提好藥包，交代講係止疾藥，係實在當疾，疾到佇毋著⁵就愛提來食，係講會試著毋爽快，就愛倒轉來分先生脛。

¹ 言殿忒：音 mang` lud` ted`；還沒從附著的物體上掉下來。

² 媿：音 zhe`；形容醜陋的樣子。

³ 發痴驚：音 bod` chi` giang`；受到驚嚇而心中感到害怕，甚至起雞皮疙瘩。

⁴ 一熾火：音 rhid` chid` fo`；一口氣。

⁵ 佇毋著：音 du m diau；指身體或心理不能負荷或承受。

係珍等係爸个屎背尾，準備愛行去赴車枋⁶，欸！仰毋係行去車頭个方向，該時係還無法度講話，用手拉阿爸衫腳，提醒佢行毋著哩，指等車頭該片，係爸笑咪咪仔講，佢兩儕先來食一碗冰正去坐巴士。包尾係正知食冰，就係驚麻藥過忒開始會疾，阿爸知棉花提忒定著會出血，食冰暫時做得止血止疾。該碗冰係清冰，白雪雪个冰淋一息烏糖水，該冰冰涼涼甜甜个味緒係永久記得。下後，過點清冰來食，係嘎尋毋著當時該種味緒。

擲忒四支牙齒个係，珍等係爸歡歡喜喜食冰，又安安心心坐等巴士轉屋下，毋知續下來還有愛面對个事情，第一，就係暫時做毋得食硬飯，淨做得食糜、食麵；第二，少忒四支牙齒暫時變到當難脛，會分人笑「缺牙耙」。仰結煞⁷正好呢？該時言有措嘴仔⁸好措，高不將嘴恬恬莫講話，就毋會分人脛著係个牙齒少忒四支，還有食糜、食麵，驚怕愛食一駁仔⁹哩啲！

這下係个門牙生到齊齊正正，除忒愛感謝阿爸个智慧，還有阿姆做分係該身新衫，分當少出門个細阿妹增加當多勇氣，做得勇敢去面對擲牙齒个事情。

⁶ 赴車枋：音 fu` cha` biong`；趕車。

⁷ 仰結煞：音 ngiong` gad` sad`；不知如何是好、實在沒辦法。

⁸ 措嘴仔：音 em` zhe` er`；口罩。

⁹ 一駁仔：音 rhid` bog` er`；一陣子。

【 蛎蠕仔¹ 】徐姿華原作

記得讀二年生該年，連續漚雨²幾下禮拜，落到人都強強會生菇咧！直直到拜三晨早斷雨腳³，當晝放學還有日頭花對貴貴个烏雲肚箭出來，大家都當歡喜，排列行出校門，著等水靴蠻皮个細佬仔斯開始躡水爽，泥水噴到脣頭个細妹仔同學吱吱滾，緊閃、緊跳、緊走，笑个聲、喊个聲、罵人聲，跔等轉好天个天時，大家个心情乜正像烏雲慢慢散忒，緊來緊開。

佢摻老弟轉到屋面前个楓樹伯公下，睺著一陣細細尾、頭大大、烏烏个魚仔在路脣落雨過後个細水窟肚，洩來洩去當心色，佢兜跔等睺到毋記得好轉，阿嬤等無佢兜，行出禾埕大聲嘍，佢兜正當毋甘願行轉屋下。

佢兩儕等阿嬤去睡當晝，偷偷提等空个牛乳罐，去楓樹伯公下捉魚仔，驚大人知著會罵，佢兜斯摻捉著个六尾魚仔，偷偷畜在書桌下，愛去上課摻放學轉都會先去睺一下，等愛寫字个時節，正摻佢兜提出來放桌頂，陪佢兜寫字。

第三日打早，老弟去睺魚仔了後，趕緊愛去上課，牛乳罐無放好勢嘎橫忒，等佢兜下晝轉到屋下，水強強會流淨咧，罐肚就

伸著一尾魚仔定定，另外五尾魚仔燥死在書桌下咧！佢兜當傷心，摻五尾魚仔埋在花園肚个桂花樹下，希望佢兜做得鼻得著桂花个香味。伸著該尾細魚仔，佢兜過較細心細意照顧佢，大約一禮拜換一擺水，還分佢食嫩嫩个菜葉。

十空日過，該尾魚仔嘎生出兩隻腳，佢兜試著魚仔會生腳當心色⁴，忍毋核偷偷摻阿爸講，阿爸睺了講：「該毋係魚仔，係『蛎蠕仔』，蛎仔个細子。」差毋多又過一禮拜，蛎蠕仔又生出前腳咧，有四隻腳還有尾，在水肚洩來洩去，當風神。

學校放暑假咧，阿姆摻往年共樣，帶佢兜轉姐嬤屋下奈一禮拜，佢兜心肝肚想等書桌下个蛎蠕仔，言前言抵⁵斯緊追愛轉。一轉到屋下，老弟隨拚⁶入間肚，跔等斯唸到大嬤聲，佢兜言攞行李，斯走入間肚去，睺佢做麼个唸？老弟指等空空个牛乳罐，摻脣頭該跳啊跳个蛎仔，唸到鼻率噎毋轉⁷，講：「嗚……蛎蠕仔……分蛎仔食忒咧啦！嗚……」，阿爸聽著，緊掌老弟个頭那，忍等笑摻老弟講：「大戇牯，你个蛎蠕仔大咧，變做蛎仔咧啦！毋係分蛎仔食忒，莫唸啦！」，老弟聽著恁樣講，正轉笑面。

因為童年畜「蛎蠕仔」个經驗，分老弟對自然科學當有興頭，這下，老弟既經係當受學生歡迎个自然科先生，也輒輒會帶細人仔滿哪仔去做研究呢！

¹ 蛎蠕仔：音 guai` nug er`；蝌蚪。

² 漚雨：音 eu` vu`；久雨不停。

³ 斷雨腳：音 ton` vu` giog`；雨停了。

⁴ 心色：音 sim` sed`；有趣。

⁵ 言前言抵：音 mang cien mang di`；時候未到，迫不及待。

⁶ 拚：音 biang`；快速奔跑。

⁷ 唸到鼻率噎毋轉：音 vo` do`sud ed` m zhan`；情緒激動，哭得喘不過氣來。

【好空】徐子涵原作

人講，笑頭笑面个人較有人緣；佢講，會講客个細人仔較得人惜。係兩種加起來，就會變出當多好空个事情出來哦～！

社區肚个老老嫩嫩，佢比佢姆還較熟事；社區肚个事情，乜比佢還較瞭解。成時攞兜菜、帶兜糖仔轉屋，騙阿姆講係佢買个，佢都會相信。因為連佢都想毋著，無緣無故有麼儕會分佢。無論係食个、著个、用个，抑係爽个，所有好空个，通棚都係佢好嘴碼摺禮貌換來个。

對門九十六歲个阿太講，這下个細人仔，毋知係畏羞抑係搵屎，盡少像佢恁有笑容、恁會摺人相借問，所以特別惜佢，最阿謔佢。佢輒輒會搵手喊佢過去，提兜零嗒分佢食，佢講就佢正有恁好空。摺佢講話，全全愛用客話講，佢正聽得識，佢想怕係因為恁樣，正無細人仔愛摺佢講話。三條巷仔个細人仔，就單淨佢一儕做得摺佢謔多半點鐘久，無講花蓼哦～！

莫睭佢年紀還細，係自行車落鏈、輪仔摺球仔無風，佢自家就有辦法；毋使花錢去尋人搵手整、搵手嘮風。係愛打羽毛球，乜有大人仔伴陪佢爽，恁樣講，你就知佢个朋友有幾多、年齡層

有幾闊咧！

細人仔自然就會爽共下，毋使加講，愛講个係，該兜鄰舍做麼个會恁惜佢呢？該係因為佢當笑面，會摺人打嘴鼓，還會摺人搵手。比論講搵手漕垃圾、拚資源回收个東西、講兜笑科分人笑、講兜令仔分人搵、講兜心色个事情分人聽，就連老伯姆來賣菜，佢乜會搵手喊：「買菜哦～！愛買菜無咧？」微微末末个事，講都講毋會煞，佢个大人朋友就係恁樣從細交陪來个，連佢姆都當佩服。

對巷仔口左幹上去，有個好額人摺公園起到當闊，新聞報導過後，就當多遊客來遠奈，漸漸仔乜有人來擺攤仔做生理。佢輒輒會行兼去，見人客來就搵手，無人客就打嘴鼓，毋多知仔又熟事咧！異多遊客聽著佢講客，會試著當親切，就加買兜仔，你講，有心色無？

佢從來就毋識想過，面帶笑容摺講客會有麼个好空，毋過確實帶分佢異多好空！總講，這係一種當湛斗个感覺。

【剃頭】張美容原作

前幾日去剃頭店剃頭，睺著一個兩、三歲个細人仔，為著剃頭嘍到噉惶殺天¹，大人細子全部斯搥到汗流脈絡，實在還衰過哪。佢這下較大咧，剃頭該下毋敢嘍，毋過還係當驚剃頭，乜共樣當惱剃頭！

佢驚剃頭，係因為佢當無膽，驚師傅手町該支剪刀摺剃頭刀。見擺一坐落凳頂，冚好剃頭帕，睺著師傅擎等剪刀對等佢，佢就開始嘍嘍掣²，試著像過忒千年恁久，毛正剪好，堵堵想啟下大氣定，師傅又擎等利利个剃頭刀愛來刮佢腦屎背³个毛腳，這下還較得人畏咧。佢驚到頸根緊跔、屎肫在凳頂扭上扭下，師傅一頭刮、一頭咄⁴佢毋好停動，無奈何，佢牙根齧等、拳頭嫵搭等，由在人剝割。係走得，佢定著起腳花走⁵，一秒鐘就毋停跔。唉！剃頭實在得人驚！

到三、四年生起勢，膽較在⁶咧，無恁驚剃頭，嘎變做惱剃

頭，因為師傅該張嘴當得人惱，佢總係在摺佢剃頭該下，講講掣一千擔有个無个。可能大家係老鄰舍昶⁷熟事咧，佢長透緊剃緊摺佢打嘴鼓，一下問：「你个頭那毛落麼个肥，仰會生到恁靚、恁多？」一下又講：「營養毋好專門搵到頭那毛去，愛食較高兜正有影哪！毋好像矮嫵車樣矮佗佗⁸。」佢面皮薄、驚見笑，長透目珠眨等詐無聽著，一肚懊躁想：「仰結煞！脣頭个人定著在該笑佢咧啦！還惱！還惱！實在還惱剃頭。」

最冤枉个係，有一擺師傅毋知仰般，剪刀一溜⁹，嘎摺佢个耳空剪隻空，血黏時流出來。師傅一頭摺佢膏藥仔，一頭嘍嘍嘍講：「頭那毛恁多，當毋好剪。」仰般嘎變做佢个錯！轉到屋下想愛摺阿姆做嬌，無想著阿姆毋單淨無安慰佢，顛倒罵佢講：「毋恬恬坐等分人剃哪！耳空無分人剪忒斯異好咧。」限勢佢愛嘍毋得嘴扁，聽著阿姆恁樣講，黏皮「哇」一聲嘍出來。係做得，佢甘願鬢頭髻披¹⁰乜無愛去剃頭。

剃頭个齣數，幾隻月斯愛再過來一擺，還艱苦哪！佢日日想、日日望，想望煞煞大，做得像大人樣，去電毛店剪頭那毛，腳交等，有冷氣好吹、有人摺你捉龍，還有人滄茶分你食，毋知幾好哪！

¹ 噉惶殺天：音 ve vong sad` tien`；大聲哭喊

² 嘍嘍掣：音 bid` bid` chad`；不停發抖。

³ 腦屎背：音 no` shi` boi`；後腦杓。

⁴ 咄：音 doi；喝斥。

⁵ 起腳花走：音 hi` giog` fa` zeu`；拔腿就跑。

⁶ 在：音 cai`；穩固。

⁷ 昶：音 tiong`；太。

⁸ 矮佗佗：音 e` dud` dud`；矮嘟嘟的。

⁹ 溜：音 tiu`；滑開。

¹⁰ 鬢頭髻披：音 nung teu gi` pe`；披頭散髮。

【孤栖个白鸚哥¹】彭瑞珠原作

佢去學校个路上，會經過一頭當大頭个樣仔樹²。晨早，佢遠遠就聽著，當多鳥仔在樹頂啲到異大聲，當鬧熱。一開始，係幾隻白頭殼在該緊講「出力，出力！出力，出力！」；續等，青鸚仔³也來加油講「遽遽，啾啾！遽遽，啾啾！」；過咧，係一陣屋簷鳥「唧唧唧唧、唧唧唧唧」在樹頂開會个聲哨。

佢想，今晡日佢會有恁多鳥仔在樹頂爽呢？係，熱天个樹頂較涼爽？抑係，樹頂還有當多樣仔好食？佢臥頭睭往上，無啊，樣仔都分人摘淨咧，就伸著一樹个青葉定定。還過，啾啾滾个鳥仔，乜睭毋著半隻，就聽著屋簷鳥還在該開會个聲定定。毋過，屋簷鳥實在昶⁴細隻咧，囡在比佢兜大恁多个樣仔葉裡肚，佢當然係睭無。

日時頭，佢還在該緊想，佢明明聽著恁多鳥仔聲，又睭毋著半隻，行過樹下，乜無睭著鳥仔飛走啊，還怪奇啲！放學个時

節，佢共樣行該條路，還行到樣仔樹下，就睭著樣仔樹脣頭个楊桃撥撥跌⁵咧。佢睭一下四圍，無風啊，過睭一下楊桃樹頂，無人啊！該，楊桃佢會自家跌下來呢？佢行過去睭，會行到樹下咧，就聽著樹頂用英文摻佢講「哈囉⁶！」

原來，係一隻調皮个白鸚哥。晨早，樹頂該陣鳥仔聲，就係你啲！遠遠有鳥仔飛過，你就摻人喊加幾聲鬥鬧熱，難怪佢會聽著恁多鳥仔聲，又睭毋著鳥仔。佢乜行過去摻佢「哈囉」，毋過，佢全無插佢。

像係使性个細人仔樣，佢嘴嘟嘟，用腳抓⁷起一粒楊桃，喫一口就摻佢擲忒。楊桃還行落地泥，佢又抓起另外一粒楊桃來喫，大粒、細粒，有熟、冇熟个楊桃，分佢擲到一地泥就係。

白鸚哥，係毋係昶孤栖咧？雖然，佢無插佢，佢還係「三隻鼻公笏」，異間管个勸話佢講：「白鸚哥啊，你莫恁樣！楊桃又無得失你，做麼个尋佢兜出水呢？你屋下人，乜怕係尋你尋到當愁哦！你愛轉去無？你係孤栖，佢來摻你做朋友，好無？」

¹ 鸚哥：音 enˋ goˋ；鸚鵡。白鸚哥，白色的鸚鵡。

² 樣仔樹：音 sonˋ erˋ shuˋ；芒果樹。

³ 青鸚仔：音 ciangˋ li erˋ；綠繡眼。

⁴ 昶：音 tiangˋ；太。

⁵ 撥撥跌：音 bad bad diedˋ；紛紛掉落。

⁶ 哈囉：音 ha loˋ；源自英文 Hello，你好之意。

⁷ 抓：音 saˋ；抓取。